

Na osnovu člana 20. stav 2. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01) i tačke 7. stav 2. Uputstva za provođenje Zakona o slobodi pristupa informacijama u Federaciji BiH ("Službene novine Federacije BiH", broj 57/01), direktorica Centra za edukaciju sudija i tužilaca u Federaciji Bosne i Hercegovine, dana 28. 11. 2005. godine, donosi:

INDEX REGISTAR

dostupnih informacija koje su pod kontrolom Centra

I

U skladu sa utvrđenim obavezama ovog Centra u Vodiču i Zakonu o slobodi pristupa informacijama u Federaciji BiH, direktorica Centra za edukaciju sudija i tužilaca u Federaciji Bosne i Hercegovine donosi registrar dostupnih informacija, koje su pod kontrolom Centra.

Registar informacija obuhvata slijedeće akte, materijale, dokumente i informacije:

- Statut i drugi opći akti Centra;
- Poslovnik o radu Upravnog odobra;
- Zapisnici i Odluke sa sjednica Upravnog odbora od 2002- 2005. godine;
- Nastavni plan i Program stručnog usavršavanja sudija i tužilaca za 2003., 2004. i 2005. godinu;
- Godišnji budžet i finansijski plan za 2003., 2004. i 2005. godinu;
- Godišnji izvještaj o radu Centra za 2003., 2004. i 2005. godinu;
- Lista edukatora Centra (sudije, tužioc i druge osobe koje provode obuku i usavršavaju) i drugih angažovanih konsultanata i stručnjaka.
- Spisak sudija i tužilaca koji su dobili godišnja uvjerenja o ispunjenju minimalnih uslova stručnog usavršavanja.

II

Informacije iz baze podataka za sudije, sudije za prekršaje i tužioce i druge osobe koje u Centru koriste usluge stručnog usavršavanja i drugih oblika edukacije u zemlji i inostranstvu u koju se upisuju imena i prezimena ovih osoba, sud, tužilaštvo ili drugi organ u kojem su stalno zaposleni ili angažovani, broj dana provedene obuke u svojstvu predavača ili edukatora, odnosno učesnika seminara ili drugog oblika edukacije, kao i drugi podaci u skladu sa posebnim opštim aktom iz ove oblasti.

III

Informacije sa web stranice Centra na kojoj pored osnovnih podataka postoje i stručni materijali sa seminara, okruglih stolova, pilot projekata, konferencija i drugih nastavnih oblika rada (pisani materijali, brošure, moduli, skripte, komentari, članci, eseji, druga pravna literatura), gdje je vršena primjena i tumačenje procesnih i normi materijalnog prava, etičkih standarda za sudije i tužioce, data najnovija naučna i stručna dostignuća u oblasti prava, sudske i tužilačke prakse drugih zemalja, kao i drugih oblasti bitnih za reformu u oblasti pravosuđa.

IV

Informacije o sudskoj i tužilačkoj praksi sudova i tužilaštava u zemlji i praksi iz susjednih zemalja u regiji; Evropsko pravo i dio sudske prakse Suda u Strazburu prevedene na

službene jezike u BiH, kao i informacije o stručnim materijalima Vijeća i Savjeta Evrope, UNHCR-a, UNDP-ija, OSCE-a, ABA CEELI-ja, EUPM-a, USAID-a, IRZ-a, GTZ-a, IRIS-a i drugih međunarodnih organizacija, stranih ambasada, udruženja pravnika, advokata, notara, medijatora, a koje Centar bude imao na raspolaganju.

V

Konvencije, zakoni, sudska praksa, razni komentari zakona, pravni priručnici i enciklopedije, koji se nalaze u biblioteci Centra, a nisu u elektronskoj formi još dostupni na web stranici.

